

雪潭子居臣約


第六

漢書門			
一	二	六	六
〇	一	〇	
冊	架	函	號

內閣文庫			
三	一	二	六
〇	一	〇	〇
函	冊	架	號

內閣文庫	
番號	漢 12660
冊數	10 (8)
函號	301 40

卷六之下



喉痺

夫喉痺之症。多因素有痰涎。或痰因火動而發。或痰因風激而發。夫風飛騰火燔灼。俱能動痰上壅。致天氣不通。地道閉塞。治療之法。當先治其標。後治其本。治標者。吐其痰。痰清其火邪。散其風寒是也。治本者。清其天道。益其中氣。補其陰血是也。若不審緩急。驟用寒涼峻治之劑。非徒無益。而且有害矣。

約脈

喉主氣。兩寸脈浮。而溢上魚際者生。兩寸沉微而伏者死。此症大端是火衝逆。脈至洪滑數急。俱屬本病。吉脈也。

雜症彙考 喉痺

六卷之三

約方

碧雪散 治咽喉閉塞一時不能言語痰涎壅盛

灯心灰 二錢 硼砂 一錢

右研細末用鵝翎管吹入喉中立效

如聖碧玉丸 治心肺積熱上攻咽喉腫痛閉塞水漿不下或生口瘡並宜服之

青黛 盆硝 蒲黃 甘草 各製

右同研勻用沙糖為丸每兩作五十丸每服一丸嚥化或用白湯徐徐送下立效

神效散 治急喉風

白礬 枯 僵蠶 炒 煨 皂角末 硼砂 枯

各等分為細末將少許吹入喉中痰出即瘥

桔梗湯 治咽喉疼痛如有物脹悶

桔梗 炒 五 半夏 湯泡七次切人參 去芦 甘草 炙各一錢五分

右剉一劑水三鐘煎一鐘不時溫服

訶子湯 治咽喉疼痛聲音啞塞

訶子 煨 三 薄荷 二錢 甘草 二錢 桔梗 二錢 玄參 二錢

右作二服每服水二鐘煎一鐘不時溫服

潤喉散 治氣鬱夜熱咽乾硬塞

桔梗 二錢五分 粉草 一錢 紫河車 三錢 香附米 二錢五分 梔子 炒

百藥煎 各一分 右為細末每服不拘多寡傅口內嚥下
上清連翹散 治熱毒上攻咽喉腫痛煩渴大便自利

熱不寧

連翹 去子 山梔子 炒各三錢 甘草 生 防風 各二錢 薄荷 五分

黃連 酒炒 牛蒡子 炒各一錢五分

右剉作二服每服水鍾半煎八分食後溫服

利膈湯 治脾肺虛熱上壅咽喉腫痛

荆芥穗 桔梗 各八分 牛蒡子 炒四分 防風 五分 人參

生甘草 各四分 玄參 五分 紫蘇葉 三分

右水二鍾煎一鍾不時溫服

增減如聖湯 治風熱上壅咽喉腫痛或喉内生瘡

地黃 生二錢 玄參 升麻 桔梗 各八分 黃芩 酒炒

犀角 各一錢 木通 去皮 甘草 生各八分

右水二鍾薑一片煎一鍾食後溫服

發聲散 治喉痛聲音不清

訶子 三錢 木通 三錢 桔梗 二錢 甘草 二錢 生地黃 三錢

各製半生熟分為二劑每服水二鍾煎一鍾不時徐徐
嚥服

開關散 治喉痺不堪

揚梅樹皮向東者晒乾去粗皮為末加麝香少許吹入鼻中噴嚏即開亦有用皂角者俱效。

小續命湯治風邪卒中喉痺危症 和肝清肺湯治腦怒

傷肝肝火上衝喉痺 方俱見 茯苓半夏湯治濕痰壅塞

喉痺 方見痰飲

按喉痺一症古方言風熱者言熱痰者言脾肺積熱壅塞者言肝腎相火衝逆者謂此症皆屬於熱然亦有卒冒風寒而痺者又當分別熱痺則腫塞不通寒痺則緊縮而硬寒當辛溫以達散之熱當辛涼以清降之可緊用寒涼乎

經驗醫按

戊寅芝山寺施醫一人患喉痺漿水不入津唾亦嚥不下危急無策至寺求治余語之曰此係熱痰壅於咽喉之間凡散不能吞下須用吐法先吐其痰次清其火可也遂用枯礬湯以鷓毛探之吐頑痰數碗喉間覺嚥唾無碍總與清上連翹散三劑而安此痰因火動乃因忿怒失常肝火衝逆之症也治宜清火吐痰
本寺一僧自幼無病為喜食煎炒時有喉痛之疾忽一日喉腫似蟻痰涎壅上語言不出漿水不入急在旦夕自擬為熱用涼膈散上清丸不効漸至咽喉緊閉呼吸不通至

局求余診視。見其兩寸脉俱浮滑帶緊。語之曰。此寒包熱之症也。不可用寒涼。改用小續命湯。連進二劑。其痺立開。此熱痰因風冲激而發。治宜去風豁痰。

一婦人常覺喉中有物。哽哽不能上下。自以為氣鬱痰滯。每發痛時。即進香砂湯一服。遂通。一日痛極。併香砂湯亦不能下咽。至寺求治。余仍用香砂湯強飲。以手探吐之。吐出結痰如魚膠。天門冬之狀者六七枚。其痛即止。此痰因氣鬱凝結喉中。陰陽失次。氣苞痰聚所致也。

耳門

夫耳者。以竅言之。腎水也。以聲言之。肺金也。以經言之。手

足少陽之脉會於其中也。耳雖屬金水二藏。而各經亦能客入為病也。更有左右之分。虛實之別。豈可一槩論哉。耳之為病。因忿怒不節。動其肝胆之火。或多恐而耳聾者。肝虛也。多怒而耳聾者。肝實也。因色慾過度。動其膀胱之火。或面黑精脫而耳聾者。腎虛也。面黑發熱而耳聾者。相火也。因嗜酒厚味。動其脾胃之火。面黃發熱而耳聾者。脾虛也。面黃痰壅而耳聾者。胃實也。少氣嗌乾而耳聾者。肺虛也。面赤狂燥而耳聾者。心火也。心火上炎。宜犀角丸解之。肺病主氣。宜清氣湯平之。脾病多濕。宜豁痰湯導之。胃病多實。宜大柴胡下之。腎病多虛。宜腎氣丸補之。相火多燥。

宜地黃丸潤之。肝病多鬱。宜火鬱湯開之。膽病多熱。宜解熱飲清之。大都熱則清之。風則散之。寒則溫之。痰則開之。虛則補之。實則瀉之。似不可不審虛實。而分經以施治也。

約脈

耳病之脈。非止二尺脈斷之。左關脈弦數。屬肝胆火。風熱為病也。右關脈浮滑。屬胃火。熱痰為病也。肺脈浮而空大者。氣虛為病也。心脈洪大而虛數者。火邪為病也。尺脈浮洪。或大或數。皆真陰虛而相火甚也。微瀯或沉或細。皆元陽虛而陰氣溢也。

約方

檳榔神芎丸

治濕痰上壅而耳聾者

大黃

黃芩

各二兩 牽牛

滑石

各三兩

檳榔

四兩

各製為末。水瀉為丸。每服二十九。白湯食遠送下。

復元通氣散

治元氣虛弱。兩耳虛鳴。

山藥

炒三兩

白茯苓

二兩

橘紅

一兩

人參

五錢

貝母

甘草

各八錢

香附子

桔梗

各二兩

各製為末。每服二錢。食遠百沸湯送下。

清痰養血湯 治血虛痰甚耳聾者

半夏麴

一錢

茯苓

八分

天花粉

一錢

當歸

八分

川芎

白芍藥

各六分

天麻

胆南星

各五分

甘草

三分

右水二鍾煎一鍾不時溫服

羚羊清肝湯 治肝經風熱心火上衝而耳聾者

羚羊角 一磨粉 一錢 白芍 八分 柴胡 一錢 炒 一 茯苓 八分 麥門冬

薏苡仁 各一錢 桔紅 甘草 各四分 薄荷 五分

右水二鍾煎一鍾不時溫服

犀角地黄丸 治相火上炎真陰虛竭耳聾者

犀角屑 洗淨 白菊花 各一兩 前胡 去蘆 枳殼 炒 去穢 各

生地黄 兩 炒 二 麥門冬 去心 木通 去粗 石菖蒲 各五錢

赤芍藥 兩 炒 一 牡丹皮 一兩 牛膝 八錢 甘草 八錢

右劉各製為末煉蜜和丸每服三錢百沸湯空心送下

黃芪丸 治中氣虛兩耳蟬鳴

黃芪 一蜜炙 一錢 白蒺藜 炒 八 當歸 酒洗 茯苓 各五錢 黃柏 酒炒

芍藥 酒炒 石棗肉 各一兩 附子 童便製 四錢

各製為末煉蜜為丸每服四十丸白滾湯送下

龍腦膏 治卒耳聾

細辛 去葉 蒲黃 各一分 麴末 炒 杏仁 去皮尖 龍腦 研

甘草 各一分

右搗研勻合綿裹棗核大塞耳中一日一易

柴胡耳鳴湯 治汚血耳聾耳中取睜而鳴者最効

柴胡 三錢 連翹 四錢 甘草 錢 炙 一 蜜虫 去翅足 水蛭 炒 另研 五分

當歸 一分 人參 一錢 麝香 一分

右除虫水蛭麝香另研外用酒水煎熟去渣方下已上三味再煎一二滾熱服

鮮熱飲子 治氣虛熱壅兩耳聾閉及外腫痛流膿水肝

胆血熱

犀角屑 赤芍藥 木通 菖蒲 玄參 各一兩

赤小豆 兩 甘菊花 兩 甘草 錢四

右剉每服四錢水二鍾薑三片煎八分溫服

菖蒲開竅湯 治耳塞不通

石菖蒲 一錢 遠志 八分 防風 五分 甘菊花 八分 木通 五分

炙甘草 三分 茯神 一錢

右水二鍾煎一鍾不時溫服

補中益氣湯治中氣虛弱兩耳蟬鳴 見內傷 火鬱湯治肝

火鬱滯耳聾多恐 見氣門 大柴胡湯治胃熱痰上壅耳

聾 見傷寒 加減地黄丸治相火上炎兩耳雷鳴 見火門

如聖豁痰湯 治痰火鬱胞兩耳不能聽者

黑梔子 一錢 大黃 酒八分 白芍藥 生用 貝母 枳殼 各一

天花粉 八分 黃芩 酒炒一錢 白茯神 八分 甘草 二分

右水二鍾煎一鍾不時溫服

鼻塞

夫鼻塞不聞香臭。本經受病雖多。繇心脾二經傳入。亦不少。夫陽氣宗氣。皆胃中生發之氣也。其名雖異。其理則一。有因飢飽失時。勞役不節。致損脾胃。生發之氣既弱。其營運之氣自不能上升。故邪塞孔竅。而鼻即不聞香臭也。其治又宜養胃氣為本。心主五臭。肺主諸氣。或因衛氣失守。火邪內伏。肺便受之。不能為用。故亦不聞香臭也。蓋以竅言之。肺也。以用言之。心也。世俗皆以鼻塞為寒。緊用辛溫等藥。致動心火。傷損肺氣。殊不知肺經多有伏火。夫火鬱極甚。反喜熱而惡寒。症雖似外感。實非外感也。若純用辛熱。則不知通變者矣。或一時偶感風寒。而致鼻塞聲重。時

流清涕。此風寒為病。當以溫散之。若時寒時通。內覺蘊熱。此肺熱為病。宜以清解之。清解非純用寒涼。乃使心肺之氣得以交通。脾肺之氣不致間阻。而鼻塞自利。則香臭可以立聞也。

約脉

左寸脉浮緩。或浮緊。為傷風鼻塞。右寸脉浮滑。或洪數。為肺熱鼻塞。鼻衄鼻血。酒齶鼻淵。皆浮洪而數也。

約方

鹿澤通氣湯 治寒邪客肺鼻不聞香臭

羌活

防風

乾葛

各八分

麻黃

五分

蒼朮

去粗皮 錢半

升麻 白芷 各一分 川椒

甘草 各七分

右水二鍾薑三片棗一枚葱白三寸煎一鍾食遠服

溫肺湯 治肺寒目多眵淚

升麻 黃芪 各一錢 葛根 羌活 各一錢 甘草 各五分

防風 一錢 麻黃 去節一分 丁香 一分

右剉水二鍾葱白二根煎一鍾食遠溫服

調衛補血湯 治血氣俱虛不思飲食四肢倦困行步不

進膝冷脚痛鼻塞不聞香臭眼黑頭痛呵欠噴嚏

蒼朮 三分 升麻 四分 生地黃 五分 白朮 三分 黃柏 炒二分

當歸 柴胡 牡丹皮 各三分 甘草 桔梗 各二分

白朮 一分 陳皮 一分 桃仁 去皮尖

右水二鍾煎一鍾食遠服

菖蒲散 治鼻內室塞不通不得喘息

菖蒲 皂角 各等分

右為末每用一錢綿裹塞鼻中仰卧少時即愈

葶澄茄丸 治鼻塞不通

葶澄茄 五分 薄荷葉 三錢 荊芥穗 一錢五分

右為細末煉蜜和丸如櫻桃大每服一丸噙化

防風湯 治胆移熱于腦則卒顛鼻淵濁涕不止如湧泉

不藏久而不已必成衄血之症用此方主之

防風 一錢 黃芩 人參 各一錢 甘草 分灸八分 川芎 分炒七分

麥冬 一錢 去心

右剉水二鍾煎一鍾不時服

蒼耳散 治鼻淵流濁涕不止

辛夷仁 五錢 蒼耳子 炒二分 香白芷 一兩 薄荷葉 五分

右為末每服二錢葱茶湯食遠調服

辛夷散 治鼻內壅塞涕出不止或氣息不通或不聞香

臭

辛夷仁 五錢 細辛 去土 藁本 去芦 升麻 各四錢 川芎

香白芷 各三錢 木通 去節 防風 各三錢 甘草 二分 五分

右為末每服二錢食後茶湯調服

羊肺散 治肺虛鼻塞生瘰肉不聞香臭

羊肺 一具 白朮 四兩 菴蓉 木通 乾薑

川芎 各一兩

右五味為細末以水量打稀稠和勻灌肺中煑熟焙乾

細研為末每服二錢食後米飲調下

細辛丸 治肺寒鼻塞清涕流出腦冷所致

通草 辛夷 各五錢 細辛 甘遂 桂心

川芎 附子 各兩

右細末蜜丸如棗豆大綿裹納鼻中密封勿令氣泄微

覺少痛即効

枇杷葉散 治齶鼻紅臭

枇杷葉

一兩去毛陰乾新者佳 梔子 五錢

右為末每服二三錢温酒調下早晨服先去左邊臨卧服去右邊効如神

大柴胡湯治濕熱痰熱上蒸于肺鼻塞者此方主之見寒門

齒門

夫齒雖腎之標骨之餘然其痛亦各有別痛甚而齒搖動者惡寒腰痛此腎水虛極也上下齒齦腫痛者惡熱畏風此腸胃積熱也上齒齦痛多屬胃下齒齦痛多屬大腸手

心明大腸也故惡寒而喜熱足陽明胃也故惡熱而喜寒其人腸胃素有濕熱上發於齒齦之間適被風寒或飲冷所鬱則濕熱不得外達遂作痛也其虛痛宜補實痛宜瀉痛既不一治法亦宜通變

約方

當歸龍胆散 治寒熱牙痛

升麻

麻黃

各一錢

生地黄

八分

龍胆草

一錢

白芷

五分

當歸

六分

黃連

一錢

草豆蔻

去壳八分

羊脰骨

灰五分

右為細末擦齒上立効

石膏清胃湯 治胃熱牙齒腫痛

石膏一錢半升麻一錢防風八分白芷一錢連翹八分

黃連一錢荆芥五分羌活五分大黃一錢

右水二鍾急火煎一鍾不時服

細辛白芷飲 治風寒齒痛連頭目痛寒熱往來

防風一錢羌活一錢白芷各八分細辛各八分甘草

陳皮各五分升麻一錢薄荷六分藁本四分

右水二鍾薑一片葱白二寸煎一鍾不時溫服

獨活散 治牙根腫痛

川芎各五分獨活各五分細辛各五分荆芥各五分生地黃

防風各八分羌活各八分薄荷六分

右剉水二鍾煎一鍾不時服

定痛散 治牙風疼痛立効

細辛生五錢白芷生川烏頭生各一兩乳香三錢

右為末每少許擦牙痛處引涎吐之須臾以鹽水灌漱

一方無白芷川烏有全蝎草烏

立効散 治牙齒痛不可忍及頭腦項背痛微惡寒飲大

惡熱飲

防風一錢升麻七分甘草各三分細辛二分龍胆草酒洗四錢

右剉水二大盞煎至一盞去渣以匙挑入口中銜痛處

少時立止如多惡熱飲更加龍胆草一錢此方原無定

據寒熱多少臨時加減如更惡風作痛加草豆蔻黃連各五分勿加龍胆草

防風通聖散治熱風齒痛連頭腦痛見風門加減地黃丸

治腎虛齒痛見火門補中益氣湯治胃弱齒痛見內傷

救苦散 治一切牙痛及風寒蛀牙疼痛

草烏去皮川烏去尖桂花去梗良薑各四錢紅豆

胡椒 葷撥 細辛各五分石膏煨官桂各三錢

右為細末先用水漱口將此藥末乾擦涎出立愈

治虫散 治大寒犯腦牙齒疼痛及啣風作痛虫痛胃經

濕熱腫痛

麻黃去節羌活 草豆蔻各五分吳茱萸八分藁本

白芷各三分黃連 當歸身 益智仁各四分黃芪

升麻各一分桂枝一分羊脛骨 熟地黃各二分

右研細末先用溫水漱口方以此藥擦之

羌活防風湯 治風寒濕氣犯腦頭項拘急齒浮搖動內

靛袒脫疼痛難忍 羌活根一錢防風根三錢藁本

麻黃去根白芷各三錢細辛根 柴胡根 蒼朮各五錢

當歸各三錢升麻 羊脛骨灰二錢

桂枝 草薹各一錢 羊脛骨五分 其痛立止

右研細末先用溫水漱口淨搽之其痛立止

腰痛門

夫腎之外候。腰脊是也。諸經之脉貫于腎。而終于腰脊。故腎氣一虛。則腰脊便發痛矣。其痛有五。若脉按沉細。二便清利。惡寒腰痛者。此元陽不足。腎中之氣虛也。脉舉浮洪。二便結滯。煩熱腰痛者。此真陰虛極。腎中之精虛也。精不足者。補之以味。地黄丸之類是也。形不足者。補之以氣。腎氣丸之類是也。此言本藏之陰陽。更有所感不同。為病不一者。風寒温燥。皆能入客為痛。夫身重如沙墜悶。腰脊疼痛者。此感寒濕為病也。大便結滯不通。腰連季脇脹痛者。此濕熱內滯為病也。背脊連腰痛。或時痛而時止者。此風

熱為病也。腎乃北方之水藏也。其所感之病。大抵寒濕多而風熱少。治宜審其所痛之繇。或內或外。或風或濕。或實或虛。從內而發者。虛也。從外而感者。實也。虛當補益。實當行散。豈可亂乎。

約方

羌活勝濕湯 治風寒感入腰背疼痛腿膝酸痛遍身拘急行履艱難不可俛仰

- | | | | | |
|-----|-----|----|------|-----|
| 羌活 | 防風 | 桂枝 | 杜仲 | 五加皮 |
| 各一錢 | 各一錢 | 去皮 | 炒各七分 | 酒洗 |
| 川芎 | 牛膝 | 附子 | 續斷 | 丹參 |
| 八分 | 酒洗 | 製熟 | 酒炒 | 酒洗 |
| 麻黃 | 當歸 | | | |
| 五分 | 一錢 | | | |

腰痛

右剉水二鍾薑二片煎一鍾不時溫服

獨活寄生湯 治腎氣虛弱喜卧濕地腰腿拘急筋骨攣

痛冷痺麻木腰痛牽脚俱痛

獨活 桑寄生 各一錢 杜仲 炒 牛膝 各一錢 人參 八分

秦艽 酒洗 一錢 白茯苓 防風 各七分 桂心 八分 川芎

芍藥 當歸身 各一錢 地黃 二錢

右剉水二鍾生薑五片煎一鍾食前溫服

川芎肉桂湯 治寒濕久客腰痛不能轉側或血因寒滯

積疼於中致經絡不活此方神妙也

羌活 一錢 柴胡 一錢 獨活 防風 各五分 漢防已 四分

當歸

蒼朮

各一錢

川芎

炒麴

各八分

甘草

炙五分

桃仁

去皮尖研

右剉水二鍾煎一鍾食遠服

杜絲丸

治腰痛脉大腎虛極者或遺精脚腿酸軟

杜仲

鹽水炒去

兔絲子

酒蒸晒

龜板

酥油煨

黃柏

酒炒

枸杞子

人乳拌

知母

去毛炒

五味 一兩

右製為末煉蜜為丸每服四錢空心淡鹽湯送下此方

不獨腰痛可服凡腎虛皆宜服也

歸鹿膏

治精虛脉大腰痛不能屈伸

當歸身

五兩酒洗

大鹿茸

蜜炙切片

腰膏

右用酒水各八碗放銅鍋內陰煉成膏不可見火每早
用五六茶匙百沸湯調下久服大補元陽烏鬚黑髮輕
身延年

八味腎氣丸治元陽不足陽痿腰痛 滋陰丸治真陰不
足遺精腰痛 方俱見類中

寄生牛膝酒 治腎氣虛風熱客入或寒濕相侵腰痛不
可忍併足痿脚氣諸症

桑寄生 二兩 牛膝 川芎 地骨皮

五加皮 兩各一 薏苡仁 海桐皮 各二兩 羌活 生地黃 兩各八

右剉以絹袋裝裹入好酒二十斗浸十四日夏天七日

每服只用一盃一日飲三五盃令酒氣不輟行於經絡
達於四肢為妙

四物桃仁湯 治腎脉微弱血氣俱滯膀胱虛冷胸中飽

悶腰間空痛或瘀血積聚不散作痛皆効

當歸 川芎 生地黃 白芍 桃仁 去皮

續斷 各二兩 石斛 川草薺 各一兩 牛膝 杜仲 各三兩

蘇木 兩半 羌活 兩各一 澤蘭花 五錢

右剉以絹袋裝裹用好酒四斗浸五宿每服二盃日服
六盃亦要其酒氣不間斷也脚氣服更効
如神湯 治婦人經血不通男子瘀血滯於腰脇間疼痛

玄胡索

醋炒

當歸

各一錢五分

桂心

一錢

杜仲

炒去絲二錢

絲

右剉酒水各一鍾煎一鍾去渣食前溫服

戊寅芝山寺施醫一人患腰痛經年不愈服補腎諸藥其痛愈劇漸至飲食減少骨瘦如柴諸醫謂不治之症求余診視見其脉弦長而大按之有力小腹堅硬悶痛當時以桃仁承氣湯與服大便遂通黑糞半桶其痛立止繼用桃仁酒服半月全痊有問者曰腰乃腎之府腎既虛而腰痛服補腎藥罔效服下藥得愈者何也余荅曰此非真腰痛乃季肋痛也季肋屬大腸與腎相近凡有積熱於腸胃之間鬱伏不得通達亦能發痛今與通藥非治腎虛腰痛乃

積熱腰痛也

一友腰痛不可轉側六脉散大重取之則弦小而長服補腎劑半年不效有欲改濕熱治者予以為惡血病者曰內有惡血可以下否予曰脉細未可驅逐且用歸芪益母湯補之然後用桃仁酒行之可也服益母湯十劑而痛漸減飲食亦進遂與桃仁酒飲一月而安

歸芪益母湯

當歸

二錢

黃芪

生三錢

益母草

洗一錢

蘇木

八分

香附

五分

右水二鍾煎一鍾不時服

脇痛

夫兩脇乃肝之分野。其所以發痛者。肝火盛。木氣實也。經云。肝氣實則怒。肝氣虛則恐。然脇痛善怒。小便紅赤。肝脉弦急者。實痛也。當以龍蒼丸瀉其肝火。脇痛善恐。小便清利。調中順氣丸。和其肝氣。大抵暴怒傷觸。悲鬱內結。飲食失調。積痰瘀血為痛者。發於內也。寒暑不避。風寒外襲。暑熱相侵。風寒暑熱為痛者。感於外也。治內。清肝火。破結氣。化痰和血為要。治外。散風邪。解暑熱。辛涼順氣為主。

約方

桂枝散 治肝虛脇痛或因驚傷所致痛連脊骨者宜服

枳殼 一兩小者 去囊炒 桂枝 五錢 梗 六

右剉為細末每服二錢薑棗湯調下

勻氣散 專治肝虛脇痛

山梔子 熟地黄 川芎 細辛 桂心

白茯苓 各等分

右研為末加羊脂煎服

沉香導氣散 治一切氣不升降脇肋痞塞

沉香 二錢 人參 五錢 檳榔 二錢 紫蘇葉 白朮

烏藥 麥蘖 炒 神麴 大腹皮 炒 厚朴 製各

薑黃 橘紅 甘草 各四 訶子皮 炮 五 香附 兩 半

廣茂 泡 四 益母 二兩 紅花 四兩 京三稜 二兩

雜症彙考 脇痛

右為細末每服二錢食前沸湯調服
調中順氣丸 治三焦痞滯水飲停積脇下虛滿或時刺
痛

白豆蔻 去壳 木香 青皮 炮 京三稜 炮 各一兩

大附子 陳皮 各二 縮砂 去壳 製半夏 湯泡七次 一兩

沉水香 檳榔 各五錢

右為末煑麩糊為丸如桐子大每服三十九丸漸加六十
丸食後陳皮湯送下

薏苡丸 治脇痛如前手足枯痺

薏苡仁 一兩 石斛 二錢 附子 五錢 牛膝 生地黄 各三錢

細辛 人參 枳殼 栝子仁 川芎

當歸 各五錢 甘草 桃仁 各一兩

右為細末煉蜜丸如桐子大每服三四十九丸酒吞一日
服二次更妙

當歸龍薈丸 治熱在兩脇寅卯甚多怒多驚屬肝病也

當歸 梔子 黃連 黃柏 草龍胆

黃芩 各一兩 大黃 蘆薈 青黛 各五錢 木香 二分

麝香 五分 另研

右為末煉蜜丸如小豆大小兒如麻子大生薑湯送下
二三十丸此方不獨治脇痛如肝積發熱亦効

枳殼 煑散 治悲哀煩惱致傷肝氣兩脇骨痛筋脉拘緊

腰脚重滯兩股筋急四肢不能舉動此藥大治脇痛之

劑也

枳殼 四兩 煎 細辛 桔梗 防風 川芎 各一兩

葛根 五錢 甘草 五錢

右為粗末每服四錢水一鍾半薑棗同煎至七分空心

溫服

大黃附子湯 治脇下偏痛發熱其脉弦緊此寒痛也當

以此藥下之

大黃 八分 附子 炮一錢 細辛 去葉一分

右水二鍾煎八分二次溫服

芎藭湯 治肺弱感冒脇下疼痛

川芎 乾葛 各八分 桂枝 細辛 各五分 枳殼 一錢

人參 五分 芍藥 八分 麻黃 六分 防風 八分 甘草 三分

右水二鍾薑二片煎八分溫服

諸疝 癩疝 狐疝

疝痛屬足厥陰肝經也。小腹亦肝經也。故疝痛與小腹痛。

同一治法。所謂疝者。畢九連小腹痛也。其痛有獨在畢九

者。有獨在小腹偏於一邊者。有畢九如升斗者。癩疝是也。

又立卧出入往來者。狐疝是也。丹溪曰。疝痛之甚者也。或

有形。或無形。或有聲。或無聲。或有形如瓜。有聲如蛙者。素問以下。歷代名醫。皆以為寒。蓋寒主收引。經絡得寒收引。不行。所以作痛。理固然也。有履霜雪。踴冰涉水。終身不病。此者。素無熱在內也。按此症。始於濕熱在經。鬱而至久。又感寒氣外束。濕熱之邪。不得疏散。所以作痛。若只作寒論。恐為未備。或曰。此症多客厥陰。一經鬱積濕熱。何繇而致。予曰。大勞則火起於筋。醉飽則火起於胃。房勞則火起於腎。大怒則火起於肝。本經火積之久。毋能令子虛。濕氣便感厥陰。屬木。係於肝。為將軍之官。其性急速。火性又暴。為寒所束。宜其痛亦大暴也。愚見有用烏頭。梔子等分。作湯

用之。其效亦敏。後因此方。隨症與形加減。用之無有不應。然濕熱又須分多少。而施治。但濕者腫多。癩疔是也。又有挾痛而發者。當以參朮為君。而以疏導藥佐之。診其脉不甚沉急。而大豁無力者。是也。然其痛亦輕。惟覺重墮牽引耳。

約方

丁香痲氣丸 治臍下撮急疼痛。併臍下週身皆急痛。小便頻數。脉急洪緩。瀋沉。按之皆虛。獨腎脉按之不急。皆虛無力。名曰腎疝。

當歸

茴香

各五錢

甘草梢

五錢

麻黃根節

一錢

丁香 五分 全蝎 十三箇 玄胡索 五錢 羌活梢 三分

肉桂 一錢 防已 三錢 川烏 五錢

右研末酒糊丸如桐子大每服五十九淡鹽湯送下空心服

玄胡苦練湯 治臍下冷撮痛陰冷大寒

玄胡索 二分 苦練子 三分 肉桂 附子 各三分

甘草梢 五分 熟地黃 一錢 黃柏 一錢

右水四鍾煎一鍾食前服

按此方桂附治寒玄胡當歸川練茴香丁香木香和血調氣蓋寒症挾汚血滯氣者宜

藥散

木香 茴香 炒 良薑 各五錢 川練子 十箇

檳榔 三錢 巴豆 十四粒 青皮 五錢

右八味先以巴豆打碎一同練子用麩炒俟黑色去巴豆麩為細末每服一錢温酒調下痛甚炒生薑熟酒下

木香練子散 治小腸疝氣膀胱偏墜久藥不効者服此

其効如神

川練子 三十箇 巴豆 三十粒 同炒黃色 草薺 五錢

石菖蒲 一兩 炒 青木香 一兩 炒 荔枝核 二十枚 炒

右研末每服二錢入麝香少許空心炒茴香鹽湯調下

右以巴豆炒藥例。許學士云。大抵此疾因虛而得之。不可以虛。驟補邪之所湊。其氣必虛。留而不去。其病則實矣。故必先滌去所畜之邪熱。然後補之。是以諸藥多借巴豆氣者。蓋為此也。

茵香散 治膀胱氣痛

茵香 金鈴子肉

蓬莪朮

京三稜 各一兩

甘草 五錢

右為細末。每服二錢。熱酒調下。每發痛甚。連日只二三服。立定。

沉香桂附丸

治中風虛弱。脾胃虛寒。飲食不美。氣不調。

和。退陰助陽。除臟腑積冷。心腹疼痛。脇肋膨脹。腹中雷鳴。面色不澤。手足厥逆。便利無度。又治下焦陽虛。及療七疝痛引。小腹不可忍。腰痛不能伸。喜熱熨稍緩。

沉香

附子

炮去皮

川烏

炮去皮

乾薑

炮

良薑

炒

官桂

去皮

茱萸

湯洗

茵香

炒各

一兩

右研末。醋煮麪糊為丸。如桐子大。每服五十丸。至七八十九。止。空心食前。米飲湯下。日三次。忌物。

桂枝湯治肝氣不飲。小腹疼痛。自汗不止。見傷寒香附散。治癰脹。用香附子不拘多少。為末。每用酒一鍾。

海藻一錢。煎至半鍾。先撈海藻嚼細。用所煎酒調末。二

錢服

安息香丸

治陰氣下墜痛脹卵核腫大堅硬如石痛不

可忍

玄胡索

炒

海藻

洗

昆布

洗

青皮

去白

茴香

炒

川練子

去核

馬蘭花

各一兩

木香

五錢

大戟

酒浸三宿切片焙乾三錢五分

右為細末另將硃砂真阿魏真安息香三味各二錢五

分用酒一鍾醋一鍾將硃砂阿魏安息香淘去沙石用

酒醋各一鍾熬成膏再入麝香一錢沒藥二錢五分俱

各另研細入前藥一同和丸如菜豆大每服十九至十

五丸空心用綿子灰調酒下

鈴丸 治膀胱腫硬牽引疼痛及治小腹氣陰囊腫毛

間出水宜服

金鈴子肉

五兩

茴香

炒

馬蘭花

炒

兔絲子

海蛤

補骨脂

海帶

各二兩

木香

丁香

各

兩

右研末糊丸如桐子大每服二三十丸温酒鹽酒空心

食前服

小便不通

癃閉

小便不通者其因不一或因氣虛而不通者當補其氣而氣足則自能通矣或因血虛而不通者當補其血而血運則自通矣或血虛夾痰當補血豁痰是也夾熱當補血清

熱是也。或氣虛夾痰。行痰補氣是也。夾火清火益氣是也。若不分虛實痰熱。槩以通利之劑投之。豈不竭其真陰而耗其元陽乎。故當分虛實痰熱而藥之可也。

廣按曰。淋症其感不一。或因房勞。或因忿怒。或因醇酒。或曰厚味所致。夫房勞者陰虛火動也。忿怒者氣動生火也。醇酒厚味者醇成濕熱也。積熱既久。熱結下焦。所以小便淋瀝。欲去不去。又來而痛不可忍者。初則熱淋血淋。久則煎熬水液稠濁。如膏如沙如石也。諸方中類多散熱利小便。便而於開鬱行氣破血滋陰益少焉。若夫散熱利小便。治熱淋血淋而已。如膏淋沙淋石淋三者。必須開鬱行氣破

血滋陰方可也。古方用鬱金琥珀開鬱藥也。用青皮木香行氣藥也。用蒲黃牛膝破血藥也。用黃蘗生地黃滋陰藥也。東垣用藥凡例。小腹腹痛。用青皮黃柏。夫青皮踈肝。黃柏滋腎。蓋小腹小便。乃肝腎之部位也。學者不可不知。

約方

清肺散 治肺經實熱小便不通

黃芩炒錢五 桑白皮蜜炙一兩 白茯苓五錢 白芍藥炒木通

梔子炒錢六 甘草生 地骨皮錢各五

右為末每服二錢五分燈心湯空心調下

茯苓導赤湯 治心小腸實熱致小便淋瀝不通

茯苓 一錢 生地黃 二錢 赤芍藥 一錢 木通 八分 甘草梢

黃連 一錢炒各

右水二鍾燈心十四條煎一鍾空心溫服

滋陰丸 治腎經燥熱小便不通 方見火門

琥珀散 治老人虛人小便不通

琥珀 研末一兩 人參 去蘆一兩 白茯苓 去皮用心 一兩五錢

右為細末每服二錢五分燈心湯空心調服

導氣除燥湯 治小便淋瀝欲去不去又來而痛不可忍

青皮 蒲黃 各一錢 黑梔子 一錢 木通 八分 赤芍藥

當歸 滑石 各八分

右水二鍾燈心十四條煎一鍾不拘溫服

蒲灰散 治血淋併尿血不止

蒲黃 炒黑 亂髮 燒灰 阿膠 炒 一兩 五錢 兩

右為細末入麝香少許米醋湯調下

猪苓湯 治諸般熱淋

猪苓 一錢 茵陳 五分 淡竹葉 十片 木通 一錢

甘草 三分 滑石 八分 山梔子 一錢

右剉水二鍾燈心七條煎一鍾空心溫服

茯苓琥珀散 治血淋沙淋石淋

赤茯苓 琥珀 各一兩 木通 當歸 各五錢 木香

瞿麥 各五分

鬱金 錢各四 滑石 一兩

鹿角霜丸 治膏淋多因憂思失志濁氣干清小便淋閉

黠如膏脂疲劇筋力或傷寒濕多有此症

鹿角霜 秋石 白茯苓 各等分

右為末麩糊丸如桐子大每服五十九空心米湯下

海金沙散 治諸淋急痛

海金沙 七錢 飛滑石 五錢

右為末每服二錢木通麥門冬煎湯送下

火府丹治心經蘊熱小便赤少及五淋澀痛方見火門

清心蓮子飲 治上盛下虛心火炎上口苦咽乾煩渴微

小便赤澀不通

石蓮子 去心一錢 人參 八分 麥門冬 去心一錢 甘草 炙五分 車前子

赤茯苓 各七分 黃苓 炒五分 地骨皮 六分 黃芪 蜜炙一錢

右水二鍾煎一鍾不時溫服如發熱加柴胡薄荷各五

分

參朮木通湯 治老人虛人氣虛成淋

人參 去芦一錢 白朮 去皮一木通 八分 山梔子 一錢 甘草 炙三分

右剉水二鍾煎一鍾空心服

立效散 治下焦結熱小便淋閉作痛有時尿血

炙甘草 二兩 瞿麥穗 一兩 山梔子 炒六分

右為細末每服三錢薑葱湯調服燈心亦效
 按閉癰之症。合而言之。乃一病也。分而言之。猶二病也。有
 新久之別。閉者新病為溺閉。小便點滴。閉塞不出。俗呼
 小便不通是也。當即通利主之。癰者久病為溺癰。小便
 淋瀝。點滴而出。或一日數十次。或百次。俗名五淋病是
 也。宜升提主之。大抵溺閉乃膀胱主之。膀胱藏溺而不
 且也。溺癰乃三焦主之。三焦出溺而不藏也。故分其病。
 立為二門。學者不可不辨。

大便不通

凡大便不通。皆為津液所主。夫腎主五液。若津液盛。則大

如常。或飢飽勞役。損傷胃氣。及食辛熱厚味。以致火邪
 內伏。闇耗陰血。津液漸枯。大便漸結。此病老者多患之。總
 是氣虛津液不足也。經云。腎惡燥。急食辛以潤之。此潤腸
 丸之類是也。

約方

潤腸丸 治胃中伏火。大便閉瀯。或乾燥不通。全不思食。
 乃風結血秘。須潤燥和血。疎風則閉自然通矣。
 羌活 歸稍 錢各六 大黃 錢煨五 麻仁 炒隔紙 桃仁 去皮尖
 桃仁 麻仁 另研如泥。合前三藥。再研為細末。煉蜜為丸。
 如桐子大。每服三五十九。空心白滾湯送下。

血燥者加桃仁大黃風燥者加麻仁大黃秦艽大便閉結之症雖屬陰寒當服陽藥亦須少加苦寒之劑通其大便使寒氣得門而出此治之大法也

當歸潤腸湯 治精血枯結大便不通

升麻一錢 歸稍 熟地黃各一錢 大黃煨

麻仁各一分 甘草一分 生地黃二錢 紅花四分 桃仁去皮

右剉水二鍾煎一鍾空心熱服

麻仁湯 治大便不通

麻仁微炒一錢 枳殼二錢 當歸稍一錢 五分 赤芍一錢

青皮八分 水二鍾煎一鍾熱沖在麻仁內濾服以大便

通為度

潤腸橘杏丸 治大便閉結而善降氣潤腸服之大腸自

無滯滯之患也

橘皮去白 杏仁去皮尖

各等分研為細末煉蜜為丸如桐子大每服三五十九

空心白滾湯送下

茯苓潤腸丸 治發汗過多耗散津液大便閉結

茯苓酒浸焙 沉香另研

右為末用麻仁汁打糊為丸如桐子大每服七十九米

飲下

導滯通幽湯 治大便艱難幽門不通吸門不開噎塞不
便

當歸身 一錢 桃仁 一錢去皮尖 熟地黄 生地黃
升麻稍 甘草 各五分 紅花 二分

右剉水二鍾煎一鍾調檳榔末五分熱服

通關散 治卒閉不通用食鹽入臍中灸之即通此法即
鹹能軟堅之意也

宣積丸 治大便不通手心握藥其便即通也

巴豆 乾薑 韭子 良薑 白檳榔
甘遂 硫黃 各等分

右為細末研飯為丸如龍眼大先用椒湯洗手又以麻

油塗手心握藥一粒移時便瀉欲止以冷水洗手

蜜煎巢法用蜜一鍾熬至滴水成珠入鹽五錢乘熱捻如

青菓大納穀道中一時蜜煎開化便通也一法用蜜煎

不通者純用鹽吹入穀道中亦妙此法為人胃氣已虛

不能用下藥而設也

大黃牽牛丸 治相火之氣遊走臟腑大便閉結

大黃 一兩 牽牛 五錢

右為細末煉蜜為丸每服三錢如手足煩熱者白滾湯

送下手足厥冷者酒送下以大便微通為度虛人不可

輕用

疸症

黃汗

黑疸

目黃

疸症有五種。而其病原皆繇濕熱所致。其中更有臟腑之異。陰陽風水之別。又當辨之。夫食而復飢。善消穀食者。是胃熱為疸。屬陽症也。食而不飢。不嗜穀食者。是脾濕為疸。屬陰症也。陽症當清其熱。陰症當燥其濕。黃疸亦有兼腫者。風水為病也。頭面主陽。風為陽邪。故先感於頭面也。治當踈風為主。兩足主陰。水為陰邪。故先侵於足脛也。治當利水為主。所以治疸與腫。其治法大同而小異也。

約方

除濕湯

治黃疸氣熱嘔吐。渴欲飲冷。身體面目俱黃。小便不利。不得安卧。亦不思食。

白茯苓 五分

澤瀉

猪苓

各三分

黃芩

生

黃連

各四分

茵陳蒿 六分

山梔

防己

白朮

蒼朮

青皮

陳皮

各二分

右水二鍾煎一鍾空心服。

茵陳梔子湯

治脾胃濕熱穀疸

茵陳蒿 一錢

黃芩 六分

黃連

枳實

炒各三分

白朮

一分

白茯苓 六分

猪苓

去皮

澤瀉

各二分

陳皮

防己

各二分

山梔子 炒

蒼朮

炒各二錢

青皮

一分

右判水二鍾。煎一鍾。食前服。此藥治穀疸之神劑也。方中山拖茵陳。能瀉濕熱而退黃。故以為君。枳壳瀉心下之痞滿。黃芩瀉肺中之伏火。二朮青陳皮。除胃中之濕滯。防已去經絡之濕邪。澤瀉猪苓茯苓。導膀胱中之濕閉。故藥品不能增減一味也。

桂枝黃芪湯。治黃疸脉浮。腹中不脹飽而和者。當汗解之。此方能發和汗而復正氣者也。

桂枝 芍藥 甘草 黃芪 生薑 各三錢 各二錢 五片

大棗 三枚

右水三鍾。煎鍾半。熱服。服片時可飲熱粥一碗。佐藥力。

取微汗為度。如未汗再服。

梔子大黃湯。治酒疸。胸中懊憹。或發熱疼痛。

山梔子 二錢 大黃 三錢 枳實 一錢 豆豉 一錢

右判水三鍾。煎二鍾。二次溫服。

理中茯苓湯。治丹田有寒。渾身及目睛發黃。此皆寒濕為病。又不可認作濕熱。

人參 白朮 茯苓 甘草 乾薑 各一錢 各五分 各一錢 各一錢 二錢

右水三鍾。煎一鍾半。二次冷服。此熱因寒。用以假寒對足太陽之假熱也。

穀疸丸。專治穀疸。

苦參 三兩 龍胆草 一兩 牛胆 一箇

右為末入牛胆汁加蜜少許為丸空心薑湯送下或甘草湯亦得

葛根湯 治酒疸

葛根 二錢 枳實 炒 山梔 錢各一 豆豉 甘草 各八分

右水二鍾煎一鍾不拘溫服

芪桂酒湯 治黃汗身體腫發熱汗出沾衣其色與黃柏

無異脈沉者是也

黃芪 五兩 桂枝 三兩 白芍藥 五兩

右三味剉末用苦酒一升水七升相和煮取三升溫服

一升初發當心煩服至六七日乃解若心煩不止者恐苦酒所阻用好酒代之亦可

目黃者獨目黃而身不黃也乃風熱鬱於內不得發泄於外治當清散風邪除內結熱與黃疸治法稍異

黑疸者黃疸久而變為黑是也不獨肌膚面目外黑即大便亦黑女勞疸酒疸多變此症宜急用土瓜根一斤搗碎絞汁頓服小便有黃水出便有生機如黑未盡退更宜服之此症多死非此藥莫救

戊寅芝山寺施醫一人五十餘歲患疸症渾身發黃目睛亦黃小便黃赤而黑身熱又欲近火服去濕熱等劑愈劇

一日服梔子茵陳湯手足遂冷振寒轉慄目昏闇自以為不可救藥搯到寺中求診余見其脉六部虛細若散遂用理中茯苓湯十貼而安夫身熱又欲近火者熱在皮膚而寒在骨髓也小便黑脉虛細者寒濕勝也振寒轉慄乃足太陰寒水之症也此人服寒涼劑過多致陰氣大甚陽氣欲絕若不用温中劑急救何能挽回哉此正所謂逐寇而傷君者是也

一友病疸症口渴身熱大小便閉塞身黃如橘色眾醫皆認為陽明症欲與大柴胡湯服之病者不敢信到寺求診余見其脉沉而數遂決之曰此真濕熱症也不下何繇得愈即與黃連散二服下結糞一斗一夕而黃漸退而愈

驚悸

怔忡

恐

驚者心卒動而不寧也悸者心跳動而怕驚也怔忡亦心動而不寧也怔忡大槩屬血虛與痰有慮便動者屬虛時作時止者痰因火動瘦人多是血虛肥人多是痰飲覺心跳者亦血大虛也當臨症辨脉不宜執一而治可也

約方

四物安神丸 治勞役心跳大虛症

硃砂 一錢

當歸身

白芍

側柏

川芎

錢各五

陳皮

川黃連

甘草

錢各三

右為末用猪心血為丸每服二錢百滾湯食遠送下

温胆湯 治心胆虚怯觸事易驚或夢寐不祥遂致心驚

胆。悍。氣。鬱。生。涎。涎。氣。搏。變。生。諸。症。或。短。氣。悸。之。或。復。自

汗。皆。宜。服。也。

半夏 湯洗 竹茹 枳殼 二炒各 甘草 兩灸一 白茯苓 五錢 兩

右為末每服四錢水一鍾半薑五片棗一枚煎七分去

渣食前服

半夏麻黃丸 治痰飲在心下驚悸者

半夏 麻黃 各等分

右為末煉蜜和丸如小葶大每服三九一日三服白滾

湯送下

茯苓甘草湯 治脾濕生痰痰熱發悸

茯苓 甘草 各一錢 遠志 黃連 各五分 半夏 八分

枳殼 人參 各三分

右水二鍾薑一片煎一鍾温服

硃砂安神丸 治驚悸

硃砂 五錢 遠志 黃連 各八錢 茯苓 當歸 各一兩

甘草 石斛 各六錢 菖蒲 四錢

右為末煉蜜為丸如梧桐子大每服二十九灯心湯送

辰砂遠志丸 治驚悸消風痰安神鎮心

石菖蒲 遠志 人參 茯神 川芎

麥門冬 山藥 鉄粉 天麻 半夏

白茯苓 南星 各一兩 細辛 辰砂 各五錢

右為細末生薑五兩取汁入水煮糊為丸如菜豆大硃

砂為衣每服二十五丸夜卧服生薑湯下小兒減服

定志丸 治心氣不足驚悸恐怯

菖蒲 炒 遠志 去心 茯苓 各二兩 人參 一兩

右為末蜜丸如桐子大辰砂為衣每服五十丸米湯下

珍珠粉丸 治心跳大虛症

珍珠 五錢 茯神 一兩 硃砂 四錢 人參 五錢 當歸身 一兩

甘草 六錢 山藥 一兩

右為末煉蜜為丸如彈子大金箔為衣每服一丸臨卧

時嚼碎燈心湯送下

人參散 治虛驚

人參 一兩 茯神 六錢 淮山藥 一兩 甘草 五錢

右研細末每服二錢白滾湯送下

茯神丸 治虛痰驚悸怔忡

石菖蒲 辰砂 各五錢 人參 遠志 各八錢 茯苓

真鉄粉 各四錢 茯神 一兩 胆星 夏麴 各五錢

右為末生薑四兩取汁和水煮糊為丸如桐子大另用

驚悸

不寐

硃砂為衣每服十九加至二十九臨卧生薑湯送下

補胆防風湯 治胆虛驚悸

防風 一錢 枳實 人參 各六分 茯苓 橘紅 各五分

半夏 八分 甘草 四分 白朮 五分

右水二鍾薑二片棗一枚煎一鍾不時溫服

夢遺 白濁

夫心主陽其藏神腎主陰其藏精心腎不交則精神散越故為夢也有夢而遺者有不夢而遺者有竟虛脫者尤當辨之戴云因夢交而出精者謂之夢精不因夢而自泄精者謂之滑精此皆屬相火所動或久虛則有之寒則無也

王節齋曰夢遺滑精世人多作腎虛治而用補腎濕精之藥往往不效者殊不知此症多屬脾胃所致在飲酒厚味痰火濕熱之人多有之蓋腎藏精精之所生繇脾胃飲食生化而輸歸於腎今脾胃傷於膿厚濕熱內鬱致中氣濁而不清則其所生化之精亦變為濁也腎主必藏陰靜則寧今所輸之精既有濁氣則邪火動於腎中而水不得寧靜故遺而滑也此症與白濁同丹溪論白濁為胃中濁氣下流滲入膀胱而世無人知此也其有色心太重妄想過度而致精滑者宜從心腎治之但兼脾胃者多更當審察

約方

金鎖丹 治遺精夢泄關鎖不固

補骨脂

葫蘆肉

白龍骨

各一兩

茴香

炒八錢

平腎膏

三分對取開用鹽五分同煮熟

右五味研成膏用酒麩糊為丸每服三五十九淡鹽湯

空心送下

固真丹

治精滑夢遺

肉蓯蓉

白茯苓

益智仁

各一兩

芡實肉

二兩

白龍骨

金櫻子

各一兩五錢

右研細末用鹿骨膠酒浸化為丸如桐子大每服五六

丸空心淡鹽湯送下

補陰玉露丸

治陰虛精脫湧泉發熱

熟地黃

山茱萸

各二兩

白龍骨

水飛

白茯苓

各一兩

兔絲子

蓮花鬚

各一兩五錢

右研末煉蜜為丸每服四五十丸溫酒空心送下

珍珠粉丸

治夢遺泄精併精滑脫出不收

厚黃柏

一斤鹽酒浸炒赤色

真蛤粉

一斤細研

右為細末滴水為丸如桐子大每服六十九溫酒空心

送下此方黃柏味苦降火蛤粉味鹹補陰也

丹溪云便濁多屬濕痰流注膀胱所致宜用二陳湯加減

隨其新舊虛實治之

茯苓丸 治心氣不足思慮過傷腎經虛損小便白濁夢

寐頻泄

兔絲子 酒蒸五兩 石蓮子 去壳三兩 白茯苓 去皮二兩

右為細末酒糊為丸如梧桐子大每服三十丸淡鹽湯

空心送下

草薢分清飲 治白濁凝結如糊

益智仁 草薢 石菖蒲 烏藥 各等分

右判每服四錢水一鍾半加鹽少許煎八分食前溫服

一方加甘草茯苓

固精丸 治心神不安腎虛精滑

知母 酒炒 黃柏 酒炒 各一兩 牡蠣 煨 三錢 龍骨 煨 二錢 芡實肉

蓮蕊 各一兩 遠志 各四錢

右為細末山藥糊為丸硃砂為衣每服三五丸白滾

湯空心送下

二陳四苓湯 治脾胃濕痰白濁

半夏 姜炒 陳皮 各一錢 茯苓 八分 甘草 三分 猪苓 一錢

澤瀉 八分 白朮 五分 車前 八分

右水二鍾煎一鍾溫服

自汗 盜汗

自汗者汗無時而自出也。盜汗者睡則出汗寤則汗收也。

自汗屬陽虛。盜汗屬陰虛。蓋陽為衛氣。陰為榮血。血之所主心也。所藏肝也。氣之所主肺也。所藏腎也。或熱搏於心。勞傷於肺。二者津液不能內斂。則外泄於皮膚也。夫人卧則靜為陰。起則動為陽。故曰自汗屬陽。盜汗屬陰也。大抵陰虛當補其陰。陽虛當補其陽是也。

約方

百解散 治感風邪發熱自汗

- 荆芥 白芷 各五分
- 陳皮 三分
- 桂枝 六分
- 白芍藥 一錢
- 蒼朮 八分
- 甘草 四分
- 右水二鍾 薑二片 煎一鍾 不時溫服

清燥湯 治自汗因熱邪致傷元氣大小便秘瀉不通

- 黃芪 炙
- 蒼朮 各五分
- 人參
- 陳皮 各三分
- 白茯苓 五分
- 地黃 生 八分
- 猪苓
- 黃連 炒
- 澤瀉 各二分
- 麥門冬
- 甘草 各三分
- 神麴 四分
- 五味 五粒
- 右水二鍾 煎一鍾 不時溫服
- 當歸六和湯 治血虛盜汗內熱
- 當歸 熟地黃
- 黃芪 各五分
- 黃連 炒黑
- 黃柏 炒黑
- 黃芩 炒黑
- 生地黃 炒 各三分
- 右水二鍾 煎一鍾 不時溫服
- 參歸散 治虛汗盜汗血氣不足精神恍惚

人參 三兩 去芦 當歸 三兩 炒

右二藥為細末入猪心內煨熟再研細末每服二錢百

沸湯送下

白朮散 治自汗盜汗

白朮 三兩 小麥 炒 一合

右水二鍾半煮乾去麥為末以炒黃芪煎湯調服忌蘿

蔔辛辣炙燥之類乳母尤忌

地黃丸 八珍湯 補中益氣湯 四君子湯 歸脾湯

導赤散 四物湯 茯苓補心湯 人參理中湯 此皆治

自汗盜汗之劑方見各門當隨症施治可也

眼科 內外障 風熱 風寒

經云。瞳子黑眼法於陰。白眼赤脉法於陽。故陰陽合轉而
精明。此則眼具陰陽也。又曰。五臟六腑之精氣皆上注於
目而為之精。精之窠為眼骨。骨之精為瞳子。筋之精為黑眼。
血之精為絡其窠。氣之精為白眼。肌肉之精為約束。裹擷
筋骨。氣血之精。而與脉并為系。上屬於腦後。出於頂中。此
則眼具五臟六腑也。後世以內外皆屬心。上下兩臉屬脾。
白眼屬肺。黑眼屬肝。瞳子屬腎。謂之五輪。蓋本諸此也。又
有八廓之說。無義無據。不復參入焉。

約方

眼症

六卷百五

明目細辛湯 治兩目發赤微痛羞明畏日怯風寒怕火
眼睫成細眵糊多隱瀋難開眉攢痛悶鼻涕唾吐多如
稠膿大便微硬喜食冷物

麻黃 羌活 各三錢 藁本 一錢 川芎 五分 蔓荊子 六分
茯苓 一錢 細辛 少許 川椒 八粒 防風 一錢 荊芥穗 一錢
歸梢 一錢 地黃 生六分 桃仁 二十粒 紅花 少許

右剉如麻豆大分作四服每用水二鍾煎一鍾去渣稍
熱服

洗肝散 治風毒上攻暴作赤目腫痛難開隱瀋眵淚
薄荷 去梗當歸 羌活 防風 各去 施子仁

甘草炙 大黃 川芎 各二兩

右為末每服二錢食後白滾湯調下
四物龍胆湯 治目亦暴作雲翳疼痛不可忍

四物 各三錢 羌活 防風 各二錢 草龍胆 防已 各一錢
右水二鍾煎一鍾食遠溫服

菊花散 治肝腎風毒氣上衝眼痛
甘菊花 牛蒡子 炒各 防風 三兩 白蒺藜 去刺 一兩

甘草 一兩 五錢
右為末每服二錢白滾湯調下食後臨卧服

和血補氣湯 治眼疾熱壅白睛紅眵多淚無疼痛而隱

瀼難開此服寒藥太過而真氣不能通九竅也。故眼昏
花不明宜服。

防風 七分 黃芪 一錢 甘草 五分 蔓荊子 當歸身 五分

白芷 二分 升麻 七分 柴胡 五分

右吹咀作一服水一鍾半煎一鍾去渣臨卧温服避風

忌冷物

羌活除翳湯 治太陽寒水翳膜遮睛不能視物

麻黃根 一兩 羌活 一兩 防風 一兩 藜蘆 七錢 薄荷 二錢

當歸根 三錢 細辛 少許 川芎 三錢 川椒 五分 黃柏 四錢

生地黄 酒炒 知母 酒炒 荆芥穗 七錢 煎成藥加之

右吹咀每服三錢水二大鍾煎一鍾入荆芥穗再煎至

八分温服忌酒濕麪

消翳散 一名龍胆飲子 治眼翳不開

青蛤粉 五錢 龍胆草 羌活 黃芩 各三錢 蟬退 五分

穀精草 川鬱金 五錢 麻黃 一錢 升麻 二錢

甘草根 五分

右為末每服二錢食後温茶調下

苓連湯 治肝胆經熱兩目赤腫疼痛難忍發熱諸症

黃芩 酒洗炒 黃連 去鬚酒洗 草龍胆 酒洗炒 四

地黃 生酒洗 一兩

雜症彙考 册五

六卷一百

右吹咀每服二錢水二鍾煎數沸去渣再煎至一鍾溫服午後晚間俱不可服惟午飯時服之方効

連拍益陰丸 治風熱目痛遍身骨痛

羌活 獨活 防風 甘草根炒 當歸身

五味各五錢 黃連酒洗剉炒 石決明燒存性 草決明

黃芩 黃柏 知母各兩

右為末煉蜜和丸如桐子大每服五十九漸加百丸止

臨卧清茶送下

羚羊角散 治水翳久不去者

羚羊角 升麻 細辛各等分 甘草五分

右為末一半煉蜜為丸每服五六十九用一半為散以

泔水煎吞此丸食後服

滋陰地黃丸 治內障兼右目小管青白翳。瞳子脹大。及

丈夫因勞力後。兩眼上星。右邊獨昏。此熱傷血。

白朮 歸身尾 木通 黃連酒浸 黃芩炒

黃柏炒 生地黃各二兩 甘草錢一

分作三劑煎服大熱加白芍藥

人參補胃湯 治勞役飲食不節內障眼病此方神効

黃芪根 一兩人參 一兩甘草錢八 蔓荊子 白芍

厚黃柏各三錢 酒洗四次

厚黃柏各三錢 酒洗四次

右吹咀每服三四錢水二大鍾煎一鍾去渣溫服三五服後兩目光明視物如常惟兩足踏地不知高下蓋伏火升發故也病減住服七日再服此藥宜春間服之益氣聰明湯治飲食不節勞傷形體脾胃不足內障耳鳴或多年視物昏暗久服此藥無內障耳鳴耳聾之患又令精神倍常飲食增進身輕體健耳目聰明

黃芪 五錢 甘草根 六錢 升麻根 三錢 人參 五錢
 葛根 三錢 蔓荊子 一錢 白芍藥 一錢 黃柏 一錢
酒洗 四次炒

右吹咀每二錢水二鍾煎至一鍾去渣滓臨卧熱服五更再煎服得睡更妙如煩亂或有熱春月漸加黃柏夏

倍之如脾胃弱去之熱減亦少用但有熱或麻木或上壅頭目三兩服後其熱皆除又治老人腰以下沉重疼痛此藥久服治人上重反有精神兩足輕浮不知高下空心服或少加黃柏輕浮自減

甘菊花丸 治男子腎臟虛弱眼目昏暗或見黑花常服明目煖水臟活血駐顏壯筋骨

甘菊花 三兩 枸杞 四兩 熟地黄 三兩 乾山藥 五錢
去土

右為末煉蜜和丸如桐子大每服三四十丸空心食後各一服白滾湯下

五癩

健忘

夫癩病雖分五種。其治法當祛痰順氣。清火平肝是也。其所發亦如中風卒然仆倒。口眼相引。手足搐搦。背脊強直。口吐涎沫。聲類畜叫。各應其屬。食頃乃甦。原其所繇。或因七情之氣鬱結。或為六淫之邪所干。或因受大驚恐。神氣不守。或自幼小受之。或自長大因怒感觸而成。皆屬痰迷心竅。故當理痰也。

約方

溫胆湯 治眩暈諸癩之症

陳皮 半夏 茯苓 甘草 枳實 炒
黃連 炒 遠志 菖蒲 人參 各一分

右剉水二鍾煎一鍾不時服

壽星湯 治諸般痰癩或風痰壅上不知人事

南星 姜製 天麻 半夏 姜製 防風 荆芥穗 三分
細辛 二分 茯苓 薄荷 前胡 甘草 三分

右水二鍾生薑二片煎一鍾不時溫服

清神丹 治癩病久年不愈

石菖蒲 去毛 辰砂 六錢為末水飛
右研細末猪心血打麩糊為丸如桐子大每服三五
丸百沸湯空心送下

追風祛痰丸 治諸風癩暗風世之患此病者甚多

防風去芦天麻洗去白附子麩包煨各

全蝎微炒木香各五錢牙皂一兩製半夏姜汁泡炒

南星炒甘草各一兩右為末竹瀝薑汁為丸硃砂為衣每服七八十丸百沸

湯空心送下

清神牛黃丸治一切癩癩怔忡清火豁痰開心定志

牛黃一錢琥珀二錢辰砂六錢雄黃一錢五分胆南星一兩

沉香二錢犀角二錢黃芩二兩天黃熟一分青礞石煨五錢

天麻錢炒五蠶錢炒七蟬退五錢去頭足石菖蒲一兩

右為細末猪心血合竹瀝為丸如菜豆大每服六十丸

臨卧時薄荷湯下

天竺黃丸治元氣虛弱癩病時發

當歸酒洗茯神棗仁炒各一錢生地黃酒洗

黃連酒炒橘紅各一兩牛黃一兩天竺黃五錢

真珠二錢人參二錢右為末煉蜜為丸硃砂為衣如桐子大每服三五十九

白滾湯空心送下

健忘

夫健忘者。陡然而忠其事也。此屬心脾二經。蓋心主思。思

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

慮過多。心血耗散。神不守舍。脾乃心之子。其母病則子亦

病。調治之法。故當養心血。理脾氣是也。

約方

歸脾散即歸脾湯治思慮過度勞傷心脾令人轉盼遺忘
心下怔忡方見內傷

聰明湯 治不善記而多忘者

白茯苓 遠志肉 石菖蒲各等分

右為末每服五錢水二鍾煎一鍾食遠去渣溫服

天王補心丹 治怔忡驚悸寧心保神益血固精壯力強

志令人不忘

地黃 兩半生半熟各四分 遠志肉 一兩 玄參 炒 沙參 各一兩

茯神 八錢 酸棗仁 炒一兩二錢 當歸 九錢 丹參 酒洗

柏子仁 去油一兩 麥門冬 去心一兩 粉草 一兩 黃連 四錢

石菖蒲 一兩 天門冬 去心一兩 五味 七錢

右為細末煉蜜為丸如彈子大硃砂金箔為衣每服一

丸臨卧細嚼燈心湯下此方乃天王寺石刻真方非比

諸書加減混亂君臣服之罔効者也

本府太尊吳九見老師因閱童生卷過勞精神虛耗神不
守舍目花頭眩遂成怔忡驚悸心中躁動不安惕惕然如
人將捕之狀服歸脾湯不愈服此藥一月全安精神日健
後即有大勞不至困倦皆其靈驗也

加減補心湯 治血虛心煩懊懷驚悸怔忡胸心氣亂

當歸 一錢 川芎 七分 生地黃 一錢 白芍 一錢 白朮 一錢

茯苓 二分 棗仁 八分 麥門冬 二錢 遠志 八分 黃芩 二分

玄參 五分 甘草 三分

右剉一大劑水三大鍾煎一鍾半分二次食遠時服此

方乃補養心脾之劑不獨病至時服即常時用之可免

健忘怔忡之病也

定心丸 治心跳健忘

硃砂 五錢 人參 一兩 石菖蒲 一兩 各製為末煉蜜為丸

如彈子大每用一九臨卧細嚼灯心湯送下

狂癲

狂謂妄言妄走也。癲謂僵仆不省也。各自一症。有以狂入
解部。癲入肝部。然經有言狂癲疾者。有言狂互引癲者。又
言癲疾為狂者。此則又皆狂癲兼病。今病有狂言狂走。頃
時前後僵仆之類。有僵仆後妄見鬼神。半日方已之類。是
以狂癲兼病者也。欲獨閉戶牖而處陰不勝其陽。則脈流
蕩疾併。此乃獨狂症也。

約方

鎮心丹 治心虛癲狂

人參 一兩 硃砂 四錢 棗仁 一兩 遠志 八錢 真珠 五錢

右為末煉蜜和丸如彈子大金箔為衣每服一九白滾湯化下

當歸承氣湯 治陽盛陰虛大便閉結而狂者

當歸 大黃各一兩 甘草五錢 芒硝七錢

右剉如麻豆大每二兩水一大碗薑五片棗十枚煎至一半去渣溫服若陽狂奔走罵詈不知親疎此陽有餘陰不足大黃芒硝去胃中實熱當歸補血益陰甘草煖中加薑棗者胃屬土此引入胃中也經所謂微者逆之甚者從之此之謂也以大利為度安後用調心散洗心散涼膈散解毒湯調之

寧志膏 治脾胃俱虛

人參 酸棗仁各一兩 辰砂五錢 乳香一分

右為細末煉蜜和丸如彈子大每服一九薄荷湯送下予族弟緣兵火失心製此丸與之服二十粒愈親舊多傳之服皆有驗

防已地黃湯 治病如狂狀妄行獨語不休無寒熱其脉

浮

防已一錢 桂枝 防風各三錢 甘草二錢

右四味以酒一鍾浸一宿絞取汁生地黃二斤以咀蒸之一炷香為度以銅器盛其汁更絞地黃汁和服

驚氣丸 治驚瘧積氣瘧風邪發則牙關緊急涎潮昏塞

醒則精神若痴

附子 木香 白僵蚕 白花蛇 橘紅

天麻 麻黃 各五錢 乾葛 二錢 紫蘇葉 一兩 硃砂 錢一

南星 洗切姜汁浸 一宿五錢

右為末加腦麝少許同研極勻煉蜜為丸如龍眼大硃

砂為衣每服一丸金銀薄荷湯化下溫酒亦得戊申年

軍中一人犯法褫衣將受刑而得釋精神頓失如痴與

服一丸而寐及覺病已提轄張載揚其妻因避寇失心

已數年予授此方不終劑而愈又黃彥奇妻狂厥者踰

十年諸醫不驗予授此方去附子加鐵粉亦不終劑而

愈鐵粉非但化痰鎮心至如摧抑肝邪特異若多恚怒

肝邪大盛鐵粉能制伏之素問云陽厥狂怒治以鐵落

飲金制木之意也此亦前人未嘗論及

苦參丸 治顛狂發作披頭大叫不避水火苦參為末蜜

九桐子大每服十九薄荷湯化下立効

牛黃膏 治熱入血室發狂不認人

牛黃 二錢 硃砂 麝香 牡丹皮 各三錢 甘草

腦子 各一錢

右為末煉蜜丸如棗子大新汲水化下

辰砂散 治風痰諸癇。狂言妄走。精神恍惚。思慮迷亂。乍

歌乍笑。飲食失常。疾發仆地。吐沫戴目。魂魄不守。

辰砂 一兩 須光明 酸棗仁 五錢 微炒 乳香 五錢 光

右量所患病人飲酒幾何。先令恣飲沉醉。但勿令吐。至

靜室中。以前藥末作一服。溫酒調下。作一盞調之。令頓

服。如飲酒素少人。但隨量取醉。服藥訖。便安置床枕。令

卧。病淺者半日至一日。病深者三兩日。令家人潛伺之。

鼻息勻調。但勿喚覺。亦不可驚觸。使覺待其自醒。即神

魂定矣。萬一驚悟。不可復治。

氣為臣。肺為收。急食酸以收之。五味子酸溫以收肺氣。麥
門冬苦寒。治涕唾稠粘。口苦乾燥為君。桔梗辛溫。體輕浮。
治痰逆利咽膈為使也。

右為末用米醋煎數沸後調前藥涎出吐之再用湯漱

口即愈重者二次

效散 治口糜

白礬

大黃 各等分

右為細末臨卧乾貼瀝涎盡温水漱之

加減甘露飲 治男子婦人小兒胃家客熱口臭牙宣赤

眼口瘡一切瘡疼已散未散皆可服之

熟地黄

黃芩

天門冬 去心

枳殼

甘草

枇杷葉

去毛

茵陳

生地黄

石斛

各

犀角

二錢

右為末每服二錢水一鍾煎七分食後臨卧温服小兒

一服

加減。瀉白散。治勞心過度。肺氣有傷。以致氣出腥臭。涕

唾稠粘。咽喉不利。口苦乾燥。

桑白皮 三錢 地骨皮

甘草

錢各一分 知母 七分

五味子 二十粒 麥門冬

黃苓

各五分 桔梗 二錢

右以咀作一服水二鍾煎一鍾食後溫服一日二次忌

酒濕麪及辛熱之物

難經云。心主五臭。入肺為腥臭。此其一也。因洪飲大熱之

氣所傷。從心火刑於肺金。以桑白皮地骨皮味苦微寒。降

肺中伏火。補氣為君。以黃苓知母苦寒。治氣腥臭。清利肺

者脾之所主。胃大腸脉之所挾。經云中央黃色。入通於

脾。開竅於口。藏精於脾。又云脾主口。在藏為脾。在竅為口。

又云脾通於口。脾和則口能知五味矣。此脾之所以主於

口也。

口苦者胆病也。脾主謀慮。胆主決斷。胆汁七合。是清淨

之府。取決於胆。胆或不決。為之恚怒。則氣上逆。胆汁上溢。

故口苦。或熱甚而使然也。以龍胆瀉肝湯主之。

龍胆瀉肝湯

柴胡 一錢 黃芩 七分 生甘草

人參

天冬 去心

黃連 山梔

草龍胆

麥冬

知母 各五分

五味子 七粒

右吹咀作一服水二鐘煎一鐘去渣食遠温服忌辛熱物大効

口糜者膀胱移熱於小腸腸不便上為口糜宜胡黃連散主之

胡黃連散 治口糜

胡黃連 五分 藿香 一錢 細辛 三錢 黃連 三錢

右為末每用五分乾搽口內漱吐之

又方 治滿口白爛

華撥 一兩 厚黃柏 一兩 六錢

